

## **COVID-19AREN ONDORIOZ HERRIKO KALEETAKO KOMERTZIOA ETA OSTALARITZA SUSPERTZEKO BONUEN KANPAINA *BERA BIZIRIK! GUREKIN ZAUDE?***

### **OINARRIAK**

#### **I. HELBURUA:**

Helburua da Covid-19aren ondorioz Berako herrigunean itxirik egon diren edo beraien jarduera murriztua eduki duten komertzioak beraien aktibitatea berreskuratzeko kontsumoa sustatuko duen bonu sistema sortzea.

Berako Udalak, Berako establezimenduekin elkarlanean, martxan jarriko duen egitasmoa da. Modu honetara Covid-19aren osasun krisiagatik kaltetuak izan diren merkataritza eta zerbitzu sektoreetan erosketak egitea bultzatu nahi da.

Herritarrak 20 euro gastatzen dituen bakoitzean, 30 euroko erosketa egingo du, Udalak falta diren 10 euroak jarritz. Horrela, komertzio txikira gerturatuko ditugu herritarrak.

#### **II. EKINTZAREN EZAUGARRIAK:**

- Berako Udalak 30 euroko balioa duten 1.000 bonu banatuko ditu parte hartuko duten komertzioetan.
- Herritarrak 20 euroekin bonu bat erosi ahal izango du komertzio bakoitzean.
- Hasierako fasean adin nagusiko herritar bakoitzak bonu bakarra hartu ahal du familia-unitateko, nahi duen komertzioan. 8 lanegun egongo dira herritarrek bonuak hartu ahal izateko.
- Lehenbiziko fasea bukatzean oraindik bonuak gelditzen badira, establezimenduek bonu hauek bezeroen artean banatuko dituzte.
- Erosketaren zenbatekoa balearen zenbatekoa baino txikiagoa bada, diferentzia ez da eskudirutan itzuliko.
- Bonuak ezin dira eskudirutan trukatu, eta ez da inola ere itzuliko balio horren zenbatekoa.
- Bonuak 2020ko uztailaren 18a baino lehen gastatu beharko dira.

#### **III. MERKATARI ETA OSTALARIEK PARTE HARTZEKO BALDINTZAK:**

- Edozein pertsona fisiko edo juridikok parte hartu ahal izango du kanpaina honetan, baldin eta bere enpresa-jarduera merkataritza edo zerbitzuen sektorearen barruan kokatzen bada, kalean establezimendu irekia badu ekonomia-jardueren gaineko zergan dagokion altarekin, eta honako ezaugarriak betetzen baditu:

- Saltokia Beran izatea.
- Pertsonen zuzendutako produktuak eta zerbitzuak saltzea.
- Covid-19ak eratorritako krisiaren ondorioz kaltetua izana, zehazki, honako modu honetan: establezimendu fisikoa 463/2020 Errege Dekretuaren ondorioz itxi behar izana.

- Atxikitako establezimenduaren betebeharrak hauek izango dira:
  - Atxikitako enpresek kanpainako informazio-materialak jasotzeko, kokatzeko eta, hala badagokio, zabaltzeko konpromisoa hartzen dute, eta establezimenduan ondo ikusteko moduan jarriko dituzte.
  - Aldi berean, atxikitako enpresetako arduradunek konpromisoa hartzen dute establezimenduan erabilitako bonuak (edo baleak) egiazkoak direla egiaztatzeko.
  - Bonua erosten duen bezeroak bonuan izen-abizenak eta NAN zenbakia jarrita dituela egiaztatu beharko du.
  - Kontsumitzaileak bonua erabili ondoren, enpresa arduratuko da txartela Berako udaletxean entregatzeaz 2020ko abuztuaren 31a baino lehen, banku-transferentzia bidez kobratzeko.

- Bonuak trukatzeko modua:
  - Jasotako bonu originala edo originalak gorde tikeen kopiarekin. Bonuan kontsumitzailearen datuak jarrita daudela egiaztatu beharko da.
  - Berako Udaletxean aurkeztu.
  - Aurkeztutako bonuei dagokien zenbatekoa establezimenduari abonatu zaio, bonuak entregatzeko unean horretarako emandako kontu-zenbakira transferentzia eginez.

#### IV. KONTSUMITZAILEEKIN LOTUTAKO INFORMAZIOA:

##### - OINARRIAK ONARTZEA

Bonuak eskuratzeak dokumentu honetan jasotzen diren oinarriak onartzea dakar.

##### - BONUAK ESKURATZEKO ESKUBIDEAK ETA MUGAK

- Bonuak 18 urtetik gorako edonork erosi ahal izango ditu. Aldi berean, herritar bakoitzak bonu bakarra hartu ahalko du familia-unitateko lehenengo fasean.
- Interesatuek bonuak erosi ahal izango dituzte parte hartuko duten komertzio eta ostalaritza guneetan kanpainak dirauen bitartean, bonuak agortu arte.
- Bonuak erosteko unean bertan ordaindu behar dira. Banku-txartela erabiliko da lehentasunezko ordainketa-sistema gisa.
- Bonuak erosten dituzten pertsonak 2020ko uztailaren 18ra arte erabili ahal izango dituzte. Epe hori igarotakoan, baliorik gabe geratuko dira bonuak.
- Bonuak kanpainari atxikitako saltokietan erabili ahal izango dira. Bonu bakoitza erosi den establezimenduan erabili beharko da.
- Erabiltzaileak bonu originalak aurkeztu eta entregatu beharko ditu horiek erabiliko dituen establezimenduan. Merkatariak erabiltzaileari izen-abizenak,

identifikazioa eta harremanetarako telefono-zenbakia eskatuko dizkio, bonuaren erabileraren inguruan sor daitezkeen nahasketak argitzeko.

- Erosketaren zenbatekoa bonuaren zenbatekoa baino txikiagoa bada, diferentzia ez da eskudirutan itzuliko. Bonuak ezin dira eskudirutan trukatu, eta ez da inola ere itzuliko balio horren zenbatekoa.

- Bonuak modu arduratsuan erosi eta erabili beharko dira, eta kontuan hartu beharko da bonurik edo ordaindutako zenbatekorik ez dela itzuliko berauek galdu, ahaztu edo ezjakintasunagatik sortu daitezkeen bestelako egoerengatik.

#### **EGINBIDEA / DILIGENCIA:**

**Jasota uzteko oinarri hauek onartu zirela Udalbatzak 2020ko maiatzaren 27an egindako bilkuran.**

**Bera, 2020-05-28.**

**SINADURA DIGITALA. IDAZKARIA,  
Miguel J. Belarra Tellechea.**